

## ЗЯБЬ ГЫРОНЭЗ 1-ТИ ОКТЯБРОЗЬ ПОЛНОСТЬЮ БЫДЭСТОНО

Вылй урожай понна нюр'ясь-конын зябь гырон бадзым значение басьтэ. Дырыз дыр'я гырем зябь тулыс влагалэсь запассэ кема возе и умой сред-ствоено луэ сорняк'ёсын но сельскохозяйственной растениослэн вредительёсынызы нюр'яськыны. Зябь гыремлэн значение бордын со но вань, что тулыс вазь куасьмыны сётскытэк гыронэз капчиятэ и трослы гыронлэсь срок'ёссэ вакчиёмытэ.

Зябь гыронэз районысьтымы азьмынйсь колхоз'ёс быдэсто ни. Байдалино сельсоветысь Куйбышевлэн нимыныз нима колхоз зябь гыронэз 260 гектар гырыз ни, а сельсовет'я ваньмыз 487 гектар гыремын ни. Озы ик зябь гырон бордын умой ужало Ворца, Бачумово но мукет'ёсысьтыз сельсовет'ёсысь колхоз'ёс.

Но однако таин ёшш верано луэ, что зябь гырон борды районысьтымы тросэз колхоз'ёс умой-умой ёз кутскелэ на. Зябь гырон бордын чидантэм урод ужало Удино, Сада, Зюино, Юр сельсовет'ёсысь колхоз'ёс. Удино сельсоветысь колхоз'ёс ваньзэ 40 гектар гинэ зябь гырызы нышна, а Сада сельсоветысь Володино, П-Новиковский, Ожгиар но „Пролетарий“ колхоз'ёс туннэ нуналозь одйг гектар но ёз на гырелэ. Та колхоз'ёслэн кивалтйсьёсы видимо ялам малпало зябь гырыны вазь на шуыса.

ВКП(б)-лэн райкомезлэн бюроезлэн но райсоветлэн исполкомезлэн 7-тй сентябре кутэм решениязы гожтэмын, что туэ арын зябь гыронэз районысьтымы ваньмыз колхоз'ёс 1-тй октяброзь полностью быдэсты-

ны кулэ шуыса. Зябь гыронэз со сроке быдэстыны понна решениын гожтэмын, что вань свободной вал'ёсты но трактор'ёсты зябь гыронэ полностью кутано, а ю октон-калтэн но кутсаськон борды занять карем трактор'ёсты уйёсы но зор-кот нунал'ёсы полностью уже кутано шуыса. ВКП(б)-лэн райкомезлэсь но райсоветлэн исполкомезлэсь та решенизэс туннэ нуналозь тросэз колхоз'ёс уже уг быдэс'яло на. Сада сельсоветысь Сибирка, Лумпа но Энгельслэн нимыныз нима колхоз'ёс озы ик мукет'ёсыз но зябь гыронэ одйг вал но ёз кыткылэ на. Таё ик положение Зюино, Юр но Удино сельсовет'ёсысь колхоз'ёсын но. Зябь гырон борды озы ик уйёсы полностью уг кутысько кутсаськон машинаос, комбайн'ёс бордын ужась трактор'ёс но.

Азыпалан зябь гыронлэн тазы гызмыльтыса мынэмезлы чиданы уг лу. Зябь гырон борды вань свободной трактор'ёсты но вал'ёсты пуктоно. Зябь гырон'я нуналлы тупатэм графикаез уже быдэс'яно. **Канноезлы валэн гырысь колхозник'ёслы дневной нормазэс быдэстон дыр'я трудодень в полуторном размере пыртоно, а нормазэс быдэстэм бере нажной мултэс гырем гентарзы понна трудодень кын полэс пыртоно.**

Зябь гырон ужын социалистической соревнованиез паськыт вёлмытоме! Зябь гыронэз дыраз но вылй зечлыко быдэстыса вуоно арын вылйлыко урожай бастонэз обеспечить каромы!

## Ликбез уже ваньмызлы кутсконо

Асьме республикамылэн улонысьтыз замечательной датаез вуэ—Удмуртской автономилэн кызетй годовщинаез. Кызь ар ёже асьмелэн республикамы народной хозяйстваын но культурной фронтын бадзымесь азиялык'ёсты бастыз. Бадзым уж лэсьтэмын ни неграмотностез но малограмотностез ликвидировать карон ужын. Республикаын трос ляд'ясько ни сплошной грамотной колхоз'ёс.

Однако асьмелэн районы та ужен ялан бере кылыса мынэ на. Царской правительстволэн проклятый наследиез али но быдтэмыя ёвл. Районы та дырозь 1167 неграмотнойёс но 1186 малограмотнойёс ляд'ясько на. Таё возмутительной лядпус'ёс обязывать каро РОНО-ез но вань общественной организации неграмотностез но малограмотностез ликвидировать карон ужын по-большевицки ужаны.

Али ликбез уже мобилизовать кароно вань общественностьлэсь вниманизэ, ВКП(б) райкомеч но Райисполкомен кутскыса, котькуд сельсовет но колхоз председателен, избачен, дышетйсен но грамотной колхозникен дугдыса. Котькуд сельсоветын но колхозын организаторской роль принадлежать каре соослэн председателёсысь вылэ. Райсоветлэн сессиезлэн решениеыз руководствоватся кариськыса, али ик возобновить кароно ликбез ужез. Та уже кыскемын луыны кулэ вань дышетйсьёс, избач'ёс, колхозной счетовод'ёс, медицинаын ужасьёс, старшой класс'ёсын дышетскисьёс но мукет'ёсыз.

Ваньзэс ик неграмотнойёсты но малограмотнойёсты ликбезэн 20 сентяброзь охватить кароно.

Ликбез уже чины пыр учковлы пум пононо. Ваньмаз колхоз'ёсын, организациосын но учреждениосын ликбез'ёс медужалозы ни туннэ нуналысен ик. Добиться кариськоно сое, чтобы Удмуртиялэн 20 ар тырмон нуналозяз одйг мурт но гожтэт тодйсьтэмез медаз ни луы.

Со луоз самой умой подаро-кен Удмуртиялэн 20 ар тырмонэзлы. А. ГОРШКОВ.

## Картовка копаны кутскизы

Бачумовской сельсоветысь Ставилэн но Молотовлэн нимынызы нима колхоз'ёс, кизем юз октыса-калтыса быдэстэмзы бере колхозной картовкаез копаны кутскизы. Нырысетйез колхоз 0,5 гектар, кыктэтйез 2,5 гектар вылысь картовка копаны ни.

ПОЗДЕЕВ.

## Вёлдэм етйнэз жуто

Кычинской сельсоветысь „Выль улон“ колхозысь Гаврилова эшлэн звеноез вёлдэм етйнэз жутыны кутскиз. Соос 12-тй сентябре ик 4400 культо жутизы. Етйн жуто борды озы ик кутскизы ни Дизьмино сельсоветысь „Земледелец“ но районысь мукет'ёсыз колхоз'ёс.

ДАНИЛОВ.

# ЯРСКОЙ МТС-ысь ВИТЕЙ БРИГАДАЫН УЖАСЬЁСЛЭН

## В А З И С Ъ К Е М З Ы

### Ярской районысь ваньмызлы тракторист'ёслы но комбайнер'ёслы

Дуно эш'ёс! Ми Ярской МТС-лэн 5-тй бригадысьтыз тракторист'ёс но комбайнер'ёс Ижевской машиностроительной заводысь рабочийёслэн коллективизмьлэсь но инженерно-технической служащейёссылэсь Удмуртиялэсь 20 ар тырмись юбилейзэ честен пумитан сярысь газет'ёсы опубликовать карем обращевизэс быдэсак зечкыласьком но поддержать кариськом.

Великой Октябрьской социалистической революцилэн вождениз Владимир Ильич Ленинэн 4 ноябре 1920 арын удмуртской калыклэсь автономизэ кылдытон сярысь декрет подписать каремын вал.

Матэктэ Удмуртской калыклы автономие предоставить каремлэн кыз ар тырмонэз. Великой русской калыклэн братской юртэт сётэменызы ленинско-сталинской национальной политикаез осуществлять каремын удмуртской калык социалистической строительстволэн ваньмаз участок'ёсаз бадзымесь успех'ёсты басьтыны добитесь кариськиз. Колхозной стройлэн вормеменыз валче социалистической сельской хозяйство сложной машинаосыя вооружить каремын. Удмуртиялэн бусыосаз ужало 60 машино-тракторной станциясыя сюр'ёсын трактор'ёс но пёртэм сельскохозяйственной машинаос асьмелэн МТС-мы обслуживать каре 52 колхоз'ёсты. Со колхоз'ёслэн бусыосазы ужало 66 трактор'ёс, 13 комбайн'ёс, 16 кутсаськон машинаос.

1940 арлэн 4-тй ноябрез асьмелэн республикаысьтымы трудящейёслэн всенародной праздникеныз луоз. Шумпотон юбилейлэн нуналэз Удмуртиысь трудящейёс асьсэлэсь кыз ар чоже ужамзылэсь, республикамылэсь хозяйственной но культурной строительствос'я синмаськымон вормонлык'ёссылэсь итог'ёссэ подвести карозы но эшшо огпол продемонстрировать карозы социалистической родиналы, великой вождыно дышетйсьлы Сталин эшлы мур преданностьсэс.

Яр МТС-лэн ваньмыз ик ужасьёсыз асьсэлэн МТС-сылэн 10 ар чоже ужомезлэсь замечатель-

ной победаоссэ продемонстрировать каро. МТС аслаз упорной ужомезыз Всесоюзной сельскохозяйственной выставкаын 2 ар участвовать карыны добитесь кариськиз ни. МТС-лэн ужасьёсыз, тракторист'ёсыз но комбайнер'ёсыз пумитано но пус'ёно луо юбилеез вылэсь производственной жутскон'ёсын, ваньмыз тракторной бригадоос ужан план'ёссэс тырмыт'янен но мултэсэн тырмыт'янен. Со сяна 1941 арын Всесоюзной сельскохозяйственной выставкаын участвовать карыны понна право басьтыны нюр'яськонэн.

Ми витей бригадысь тракторист'ёс но комбайнер'ёс обяжаться кариськиськомы:

1. Вань уж'ёс'я арлы тупатэм план'ёсты 150 процентлы тырмытыны 15-тй октяброзь.

2. Подзябь гырон планэз гырыса 5 октяброзь быдэстыны.

3. Кутсаськон планэз быдэстыны 15 сентяброзь, а бригадаенымы обслуживаться кариськись колхоз'ёсысь вань кутсаськонэз одигетй октяброзь.

4. 8 октяброзь 15 гектар раскорчевка ортчтыны.

5. Уж'ёсты быдэстэм бере ваньзэ машинаосты полной сохранностен МТС-э доставить карыны.

6. Машинаосты тупат'яны дачкыны но 10 октябрылэсь бере кылытэк тупат'яны кутскыса, Удмуртиялэн 20 ар тырмон нуналозяз ваньзэ тупат'яса быдэстыны.

7. Районысьтымы вань тракторист'ёсты но комбайнер'ёсты ми ётиськом Куиньметй сталинской пятилеткалэн нимаз социалистической соревнование пырыськыса, Удмуртиялэсь 20 ар тырмись юбилейзэ выль вормон'ёсын ознаменовать карыны. Ми озы ик оскытйськомы, что МТС-лэн ужасьёсыз, тракторист'ёсыз но комбайнер'ёсыз Куиньметй сталинской пятилеткалэсь задачаоссэ осуществлять карон понна нюр'яськонын трудовой героизмэсь вылэсь образец'ёссэсь возматозы шуыса.

Бригадир МАТВЕЕВ.  
Тракторист БАРЫШНИКОВ.  
Машинист ВЛАДЫКИН.  
Тракторист БАРЫШНИКОВ.  
БАРЫШНИКОВ.

## ОЧЕРЕДНОЙ ПРИЗЫВ КУТСКИЗ

16-тй сентябре Красной Армии но Военно Морской Флотэ очередной призыв кутскиз. Вуизы шумпотон нунал'ёс, кудзэ чидатэк витизы асьме районысьтымы призывник'ёс. Лыкто соос призывной пунктэ Совет'ёслэн великой страназылэн воинвэзлэсь выль но почетной званизэ басьтон понна.

Призыв районной клубын ортче. Клубе пыроны 2 горд флаг'ёс вискын бадзым букваосын жоштэмын — „Призывной пункт“. Со съёрын Красной Армиялэн вождезлэн но организаторезлэн Сталин эшлэн портретэз. Клуб пушкын Красной Армия, Военно-Морской но Воздушной Флот'ёс сярысь плакат'ёс но лозунг'ёс, дасямын музыкальной инструмент'ёс, домино, миллиард но патефон.

Призывник'ёслэн мылкыдзы шумпотонэн тырмемен. Кажно-езлэн мынэмез потэ быдэс дуннеысь трудящейёслэсь отечествозэ—Советской Социалистической Республикаослэсь Сюзэссь возманы.

— Красной Армии ёз ке басьтэ,—шуэ миллиардэн шудыкуз Поздеев эш,—туж ик урод луоз мылкыды. Озы верам безраз ик бур пал лузае шарикез пыртйз. Сое бере эшшо кыкэсэ отчы ик питыртйз на.

— Асьме вылэ войнаен лыктыны дйсьтэм тушмон'ёсты тазы ик пешкыт'ясал,—гадь выльсьтыз значек'ёсыз вылэ утятыса ватсаз на со.

Көнэ ке дыр ортчыса, Поздеев эш призывной комиссиялэн комнатаысьтыз ноку вылымтэ капчи но шумпотон мылкыдэн потйз:

—Басьтйзы! Таре мон но Красной Армиялэн радаз!—шумпотыса, серем пыр вераз эш'ёсызлэн юамзылэн пумитаз.

Тачеесь вераськон'ёсты чем кылоно луэ. Со ласянь призывник'ёс яркыт возматоз асьсэлэсь армие мыныны дась луэмзэс но странамылэсь мирной социалистической строительствозэ туж зол возманы.

И. Д. ИВАНОВ.

Ответств. редактор—  
А. А. Беретинников.